





*Despues di accidente
serio Bispo di Anja*

Situacion di Betico Croes ta keda serio y preocupante

Ainda e ta den coma

ORANJESTAD — Mientras cu tur hendenan tabata prepará pa celebra e fin di anja y tambe e entrada di Aruba den Status Aparte, henter comunidad arubano, sin excepcion a keda den shock y conmovi ora cu pa mas o menos 9.05'or di anochi e melding a drenta via Centrale Post

cu ariba caminda principal di Sta. Cruz pa Oranjestad - na altura di Hooiberg, poco pariba di El Yequé, un auto a dal frontal contra di un palu di lus.

E shock tabata ora cu e informe a drenta cu ta trata aki di lider di MEP Betico Croes y cu e prome bista tabata cu e tabata seriamente heridá.

Mesora a mobilisá tur patruille y mester a manda takelwagen y materialenwagen pa zaag e auto pa por saca e victima, lider politico Betico Croes.

E chauffeur tabata e unico persona den su auto particular A-203, Ford, cu a dal den e poste di lus nr. 2742.

E victima tabata pegá tras di stuurwiel y medio boltea un banda. Cu gran urgencia Dr. Engelbrecht a wordo dirigi pa e sitio di accidente y preparativonan den hospital a tuma lugar pa por duna e victima e

asistencia medico mas rapido y completo posibel.

Dr. Willy Engelbrecht y Dr. Carlos Vallejo (neurocirujano) a atende Betico Croes na su yegada, pero poco por a wordo haci na e momento ey. Diferente test a wordo haci y Croes a wordo ingresá den Cuido Intensivo den un estado di coma.

Te cu awe mainta su situacion practicamente por bisa a keda mescos, den estado di coma.

Na primera bista no ta parce cu Betico Croes a hanja hopi sla externo. Un pia ariba a keda cu un fractura poco complicá. E slanan sinembargo tabata mas bien internamento y tabatin un presion ta aumenta den su cerebro, loke ta indicacion pa mediconan cu lo por tin algun danjo causá na e

(Sigi lesa pag. 17)